

筆記小說大觀

集

明徐應秋輯
玉芝堂談薈

第十六冊

進步書局校印

平
江
道
人
也

[Blank area]

五
大
堂
堂
堂
堂
堂

堂
堂
堂

堂
堂
堂
堂

紅白蟹

姑蔑徐應秋君義父輯

墨客揮犀。莆陽壺山下有蟹泉。有蟹大如錢。紅色可愛。遇旱蟹出。雨必霑足。建寧志。故老相傳。建陽縣南興上里山谷中。水極清冽。常產白蟹。有直行之異。遇旱。鄉人入谷。以盆貯之。迎歸。即雨。又按呂元臨海蟹圖。凡十有二種。一曰蝟蚌。兩螯大而細毛如苔。八足亦皆有微毛。二曰撥棹子。狀如蝟蚌。螯足無毛。後兩小足薄而微濶。三曰擁劍。色黃。其一螯偏長三寸餘。有光。四曰彭蠡。爾雅。彭蠡小者蠡。注。小蟹也。吳人呼為彭越。五曰竭朴。大于彭蠡。殼黑。斑有文章。螯正赤。常以大螯障目。小螯取食。六曰沙狗。壤沙為穴。見人則走。七曰望潮。殼白色。居則背坎。外向。潮欲來則皆出。坎舉螯如望。口失常期。八曰倚望。居常東西。顧晚行不四五。又口足以望。入穴乃止。九曰石礪。大于常蟹。殼通赤。姑蘇志。出太湖。而色黃。殼軟。曰湖蟹。九月益肥美。謂之十月雄。出吳江。汾湖。曰紫鬚蟹。出崑山。蔚遲者。曰蔚遲蟹。又有江蟹。黃蟹。樂蟹。廣雅。蟹。蛭也。雄曰鯨。雌曰博帶。古今注。彭蜺一名長喙。擁劍一名執火。圖經本草。擁劍一

名步桀拾遺記善苑國嘗貢一蟹長九尺有百足四螯因名百足蟹煮其殼勝于黃膠謂之螯膠勝于鳳喙之膠也

陸龜蒙有蟹志

傅子羽作蟹譜

高似孫撰蟹畧

鳥翅相去六千里

嘉靖中海上曾陸一大鵬鳥毛萬元獻親見在某郡庫中毛以久盡獨見孔橫置在地人之無礙又林尚書瀚于內庫見大鵬翅一枝長丈許管中可容兩人坐公自作記正德末有鳥黑色大如象舒翅如船蓬飛入長安門內大樹上民家所養鵝被啄而食之如拾蛆虫然數月方去人以為海鵬也神異經閩浮提中及四天下有金翅鳥名伽樓羅王此鳥業報應食諸龍日食一龍王及五百小龍此鳥兩翅相去六千餘里以翅搏海水開龍見而取食之龍聚沙戴頂上乃得免又崑崙有大鳥名布有左翼覆東王公右翼覆西王母則晉時所云海鳧毛長三文似不足異矣

魚骨中可通馬騎

李崇矩見海上沙島有大魚剖其腹得一艇船兼二死人衣服猶備見秘閣閒談東方之大者東海魚馬行海者一日逢魚頭七日逢魚尾產三日則碧海為之變紅見

玄中記首嶺上有順天神祠前有一魚骨骨中有孔可通馬騎出入見北史李德裕有巨魚脇骨一條長二丈五尺其上刻云會昌二年海中送到見劇談錄沈作哲嘗過海上至補陀山見海中數十里外有旌旗如軍行數萬騎者洶湧東下問其人曰此大魚耳旌旗者蓋鱗鬣也見寓簡嶺南節度使何履光所居傍大海云親見大異有三一曰海中有大山相去六七百里晴朝遠望青翠如近開元末海中大雷雨者七日有人從山邊來者云有大魚流入二山進退不得其鯨挂一崖上七日而山折魚乃得去一曰海中有洲從廣數千里洲上有物狀如蟾蜍數枚大者周迴四五百里小者或百餘里每至望後口吐白氣上屬于月與月爭光其三海中有一山周迴數十里每夏初則有大蛇如山長不知幾百里以身繞山數十匝然後低頭飲水忽見蛇及山被吞俱盡亦不知吞者是何物也集異記裴佖先開元七年都督廣州仲秋漏未艾忽焉天曉星沒鳥飛舉郡驚異裴公衣冠而出軍州將吏已集門矣詢挈壺氏常夜三更尚未也良久昏闇夜景如初官吏咸執燭而歸數月後有商船至因謂郡人曰八月十一日舟行忽遇巨鯨出海雙目若日照耀千里久之復沒夜色依然徵其時則裴公集賓僚之夕也廣異記近世有波斯乘舶泛海飄入一島山上悉車

渠瑪瑙諸寶棄已賤貨取載滿船。遇胡人令之速發。山神若至必當懷惜。于是挂帆行四十里。遙見峯上赤物如蛇形。久之漸大。胡人曰：此山神惜寶來逐也。俄見兩山從海中出。高數百丈。胡喜曰：此兩山者大蟹螯也。其蟹常好與山神鬪。神多不勝。今螯出無憂矣。大蛇尋至。蟹與鬪。夾蛇頭死于水上。如連山。船人繇是得濟。玄中記天下之大物。北海中之蟹能舉螯如山。其身故在水。佛經大論五國商人入海採寶。見摩竭魚王開口。船去甚疾。船師問樓上人何所見。耶答曰：見三日。及大白山水奔流如人大坑。船師曰：三日者。一是實日。二是魚目。三是魚齒。水奔入魚口。我曹死矣。時船中有優婆塞語衆人言：共稱南無佛。魚便合口。衆人命存。

蜈蚣如遠山

宛委餘編曰：物之瘦者蜈蚣。輕者蝴蝶。嶺南異物志有物如蒲帆。過海將到舟。以物擊之。墜地視之。乃蝴蝶也。海人去其翅足。秤肉得八十斤。噉之極肥美。又曰：珠崖人每晴明見海中遠山羅列如翠屏。而東西不定。悉蜈蚣也。葛洪稱蜈蚣大者長百步。頭如車箱。屠裂取肉白如鮑。南越志：蜈蚣大者其皮可以鞞鼓。其肉暴之為脯。美于牛肉。又云：大者能噉牛。里人或遇必鳴鼓然燭以驅之。綏縣多蜈蚣。大者能以氣吸

兔去三四尺。骨肉自消。天寶四載。廣州因海潮。漂一蜈蚣。剖其一爪。得肉一百二十斤。嘉興天寧寺。有蜈蚣長七尺許。出簷際。人見之而不為害。一日雷震其殿。遂不復見。太平廣記載相傳。裴旻山行。有山蜘蛛垂絲如匹布。將及旻。旻引弓射却之。大如車輪。因斷其絲數尺。收之。部下有金瘡者。剪方寸貼之。血立止。唐元和中。蘇湛遊蓬鵲山境。無遺趾。忽謂妻曰。山巖有光如鏡。必靈地也。明日將投之。妻子泣止不得。因潛隨之。入山數十里。遙望巖有白光圓明。徑丈。蘇遂逼之。纜及其光。長叫一聲。身如繭矣。有黑蜘蛛大如鈷鉞。走集巖上。令奴以利刀決其網。方斷。蘇已腦陷而死。積柴燒其巖。臭滿一山。五雜俎。南京報恩寺塔頂有蜘蛛。大如斗。垂絲數百丈。後亦為雷所擊。錄異記載。北都馬廐壁虱。長數尺。金色。形如琵琶。再端營。莽見蟻城。方數丈。二大蟻居之。長一寸餘。其一紫色。足如金。一翅有金脉。酉陽雜俎。木師古貞元初。宿金陵僧寺。夜有物如扇。袖刀揮之。乃蝙蝠二枚。每翅長一尺八寸。珠眼圓大。爪如銀色。羅田西有燕洞。內藏雙燕。翠羽大如雞。

蚌蛤大如船

吳陳湖傍有巨潭。中產老蚌。其大如船。常有龍來取其珠。蚌與龍鬪。三晝夜無如之。

何景泰七年冬河水盡合蚌自湖西南而出冰皆摧破堆擁兩岸如積雪以後遂不知所之矣文昌雜錄禮部侍郎李常云孫華老莊居在高郵湖邊一夕莊客報湖中珠見與數人同至見水際微有光彩俄光明如日陰霧中人面相覩忽見蚌蛤如蘆席大一殼浮水上一殼如張帆其疾如風舟子以小艇逐之既遠乃沒霏雪錄越中有道士陸國賓者晚乘舟見白虹跨水甚近及至其所見蝦蟇如筮大白氣從口中出即跳入水虹亦不見汲冢周書海陽貢大蟹其殼專車北戶錄紅鰕出潮州潘州南邑縣大者長二尺土人多理為盃王子年拾遺記大鰕長一尺鬚可為簪

金龜大如錢

錄異記唐明皇嘗有方士獻一小龜徑寸而金色可愛云此龜神明而不食能辟巨蛇之毒酉陽雜俎史論作將軍時忽覺妻所居房中有光遍覓無見一日奩其中有金龜大如錢吐五色氣滿室后常養之錄異記蜀乾德元年己卯七月十五日廣口鎮將王徽于羅真人宅中得白龜夷堅志魯子禮書室石斛中有白龜僅若小錢大背上皆黃金色有光彩射目目如漆後因以鰕醢與食金文脫落而死攸縣靈龜巖嘗有二白龜出沒水中每出輒有紫雲覆之宋徐湛之有翠龜表句容縣

人獲龜一頭體披翠毛騰躍飛集洞冥記新州有綠毛龜大者重十錢小者重五錢
最小者貴能辟飛塵宋仁宗至和元年十月信州貢綠毛龜言其背有綠毛龜背有
綠毛浮水則毛泛置壁中其毛不□可以辟塵瓊州府志文昌縣北五十里□□□
□紅白二龜禱旱紅出則雨白出則否政和五年博州進白龜錄異記武成三年庚
午六月五日廣漢太守孟彥暉奏西湖有金龜徑寸遊于蓮葉之上畫圖以聞又晉
大始元年長沙縣有神龜皎然白色長四五尺出水中宋太始二年八月丙寅六眼
龜見于東陽太守劉勰得之以獻又嶺南欽州出六眼龜

金龜子甲虫也五六月生于草蔓上大子榆莢細視真金帖龜子行則成雙其虫
死金色隨滅如螢光也南人收以養粉云與養粉相宜

龜背金書

錄異記蜀丁卯年會昌廟城壕岸側穴中龜生四龜各三二寸背上有金書王字大
吉字唐書先天三年丁未汀州獻靈龜六眸腹下有玄文象卦爻述異記陶唐之世
越裳國獻千歲神龜方三尺餘背上有文皆科斗書記開闢已來帝命錄之洛陽記
禹時有神龜于洛水負文列于背以授禹即治水文也宋志周公旦攝政七年與成

王觀于河洛沉璧于洛玄龜青龍蒼光止于壇背甲刻書赤文成字。周公援筆以世文寫之。書成文銷。龜墮甲而去其言。自周公訖于秦漢受命之符。金樓子。道州管陵中。龜甲長八尺。下自然有文字。前後四足。各踏龜。有時行或跨山越水。俗莫敢犯。史記。能得名龜者。財物歸之家。必大富。至千萬。一曰北斗龜。二曰南辰龜。三曰五星龜。四曰八風龜。五曰二十八宿龜。六曰日月龜。七曰九州龜。八曰玉龜。凡八名。龜圖。各有文在腹下。云云者。此某之龜也。取此龜。不必滿尺二寸。民人得七八寸。可寶矣。宋志曰。玄龜書者。天符也。王者德至淵泉。則洛出龜書。伏口述帝功德。銘曰。朱書龜曆之文是也。廣異記。唐開元中。吳興漁者于茗溪山。每見大龜。四足各踏一龜而行。漁者知是靈龜。以獻州從事。酉陽雜俎。貞元末。福州有村人賣一籠龜。其數十三。販藥人徐仲。以五錢獲之。徐置庭中。一龜藉四龜以行。八龜為導。悉大六寸。徐遂放于乾元寺後林中。南齊永明八年四月。長山縣王惠獲六目龜。腹下有萬歡字。并有卦兆。

褐花猫

酉陽雜俎。楚州謝陽出猫。有褐花者。靈武有紅叱撥。及青驄色者。猫一名蒙貴。一名烏員。平陵城古譚國也。域中有一猫。常帶金鎖。猫目睛。日暮圓。及午。豎斂如線。其鼻

端常冷。唯夏至一日暖。其毛不容蚤虱。黑者暗中逆循其毛。即如火星。俗云貓洗面過耳。則客至。清異錄。後唐瓊花公主養二貓。雌雄各一。有雪白者。曰御花朵。烏者。惟白尾。呼為麝香。又盧大博。貓白色者。小名白雪姑。武宗十玩圖。以鹿為茸客。鸚鵡為辯哥。貓為鼠將。又貓一名啣蟬。山谷詩。買魚穿柳得啣蟬。凡貓耳經捕鼠之後。則有缺如鋸。如虎食人而鋸耳也。

按吾學編。安南有獸。狀如猯而小。紫黑色。畜以捕鼠。甚于貓。名蒙貴。則蒙貴與貓是二物。爾雅。蒙頔。猯狀。注。即蒙貴也。

白蝦蟇

茅亭客話。蜀有村夫。驚白蝦蟇。甚大。兩目如丹。皆云肉芝也。有醫士買歸。慮其走逸。以大石白合於地。至曉。石白透明如燭籠。醫士駭愕。齋戒負蟾入青城山。不知存亡。仙傳。武陽北平山有白蝦蟇。謂之肉芝。王喬食而仙去。瑞金縣泮池。嘉靖中產大蟾。蝮白如玉。臨潼白鹿觀井中。有金色二蝦蟇。賀蘭先生見之。曰。此肉芝也。烹而食之。白日昇天。續博物志。宋劉亮合仙丹。須白蟾蝮。白蝙蝠。得而服之。立死。

蛾眉雪蛆

江隣幾雜志。蛾眉雪蛆。大治內熱。曹方湖言。彼處官府遣軍士四山高處懸望雪中。蠕蠕而動。則往取之。渾如小豬。無口足手眼。儼然蛆形也。其身全脂。切片而食之。不易得也。癸辛雜志云。西域雪山中。有虫如蚕。其甘如蜜。其冷如水。名曰冰蛆。能消積熱。此恐又是一種。又拾遺記。員嶠有水蠶。長七寸。黑色。有角有鱗。以霜雪覆之。然後作蠶。長一尺。其色五彩。織為花錦。入水不濡。投火不燎。

應聲虫

虫有應聲者。在人腹中。有聲輒應。有銷麪者。食麪數斗。立盡。有銷魚者。安數斗於中。立成水。亦能銷人腹塊。有畏酒者。元載聞酒氣。即醉。有怪哉者。口氣所結。得酒即銷。有鞠通者。好食古墨屑。耳聾人置耳邊。即效有。脉望者。三食神仙字。所化其形如髮。圓若規。以之窺星宿。天使立降。可乞仙方度世。

鳳子蝶

崔豹古今注。蛺蝶一名野蛾。一名風蝶。江東呼為達未。色白背青者是也。其大如蝙蝠者。或黑色。或青斑。名鳳子。一名鳳車。一名鬼車。生江南柑橘園中。然詩人罕用。惟韓偓詩。有鶉兒啜啜雌黃嘴。鳳子輕盈膩粉腰。正指此也。酉陽雜俎。滕王蛺蝶圖中。

有名江夏斑大海眼小海眼村裡來菜花子。又曰李衛公畫得峽中異蝶翅濶四寸餘。褐色每翅上有二金眼。段公路北戶錄曰盧肇說捉得一蝶如兩手大。上有散綠點丁香眼。前翅頭畫胭脂色。後翅為燕尾分。亦蝶之異也。羅浮山有蝴蝶洞。上有古木叢生。四時出彩蝶。世傳葛仙翁遺衣所化。窮神秘苑。劉子卿居廬山。有五彩雙蝶來遊花上。其大如燕。楊用修曰蝴蝶或黃或白或五色。惟黃者秋獨多。蓋感金氣也。李白詩八月蝴蝶黃。白樂天詩秋花紫濛濛。秋蝶黃茸茸。酉陽雜俎。蛺蝶尺蠖所化。相傳取百合花泥。其隙經宿。化為大蝶。

沙啜

寧波府志沙啜塊然一物如牛馬腸。臟頭長可尺六寸許。胖軟如水蟲。無首無尾。無目無皮骨。但蠕蠕動。觸之則縮小。如桃栗。徐復擁腫。土人以沙口探者。其涎腥雜。五辣。煮之脆美。為上味。又蛇蛸蟲名。水母也。海物異名志。形如羊胃。假鰓為睛。澄瀾挺質。凝沫成形。其名曰蛇。又名榜蒲魚。今浙人通呼蝦蛇。又名海鰓。生東海。正白濛濛如沫。又如凝血。縱廣數尺。方圓生氣物也。有知識無腹藏。以蝦為目。臨海異物志。陽遂足。形狀背青黑。腹下黃白。有五足。長短大小相等。不知頭尾所在。生時體軟。死即

乾脆

海鏡

海鏡廣人呼為膏葉盤兩片合以成形殼圓中甚瑩滑白炤如雲母光內有少肉如蚌胎腹中有紅蟹子其小如豆而螯足具海鏡饑則蟹出拾食蟹飽歸腹海鏡亦飽或迫之以火則蟹子走出母腹立斃或生剖之有蟹子活在腹中逡巡亦斃見嶺表錄異水母閩謂之鮑其形乃渾然凝結一物有淡紫色者有白色者大如覆帽小者如盃腸下有物如懸絮俗謂之三足而無口眼常有數十蝦寄腹下啞食其涎浮泛水上捕者或遇之即欬然而沒乃是蝦有所見耳陶隱居曰海邊有物似蝸牛有殼以火炙之便出走食之益顏色名曰寄居草木子曰寄居一名寄生如蝸牛而大一頭螺蛤也小蟹在殼內常候螺開出食螺欲合遽入殼中楊用修曰蝸似蟹寄生龜殼中食之益人顏色

含毒

含毒者蚊蚋之屬江嶺間有之柳連界尤甚中者慎勿以手搔之搔則愈癢愈毒但布鹽於上以物封裏半日間毒則解矣湘衡北間有之其毒稍可峽江至蜀有蠟子

色黑亦能咬人但毒不甚春間生於樹葉葉卷成窠大如桃李名為五倍子治一切
瘡毒收者曬而殺之不然必竅穴而出飛為蟻子矣黔南界有微塵色白甚小視之
不見能晝夜害人雖密帷亦不可斷以粗茶燒烟如焚香狀即絕出錄異記墨客揮
犀惡蠅形如小蟬而扁好隱屋壁及書策中前有兩長足如蟹螯觸後則旁行觸前
則却行或為所螫不治殺人酉陽雜俎抱槍水蟲也如蝓蟻稍大腹下有刺以槍刺
人有毒字林昧聽似蜥蜴居樹上下即齧人上樹垂頭聞哭聲乃去

沙虱水弩

潭袁處吉等州有沙虱即毒虵鱗中虱也細不可見夏月虵為虱所苦倒挂身於江
灘急流處水刷其虱或卧沙中碾虱入沙行人中之所咬處如針孔粟粒四面有五
色文即其毒也得術士禁之乃剗其少許因以生肌膏救治之即愈不爾三兩日內
死矣又水弩之蟲狀如蠅娘黑色八足鉗曳其尾長三四寸尾即弩也常自四月一
日上弩至八月卸之時彎其尾自背而上於頭前以鉗執之見人影則射中影之處
人身隨腫大小與沙虱之毒同矣俱錄壁虱者土蟲之類化生壁間暑月嚙人其瘡
吳記雖愈每年及期必發數年之後其毒方盡其狀與牛虱無異北都廐中之馬忽相次

瘦劣致斃所損日甚主將雖督審芻藥勤至終莫能究而斃者狀類相似亦莫知其疾之繇掌廐獲罪者已數人矣皆傾家破產市馬以賄納然後伏刑有一裨將幹敏多識凡所主掌皆能立功衆所推舉俾其掌廐馬此人勤心養膳旦夕躬親旬月之後馬損如舊疑其有他乃明燭以守之二鼓之後馬皆立不食黑者變白白者變黑秉燭以視之上有物附之不可勝數乃壁虱所嗜也五鼓之後壁虱皆去一道如繩連亘不絕翌日以其事白於帥臣尋其去蹤於樓中得巨穴焉以湯灌之壞城門穴得壁虱死者數十斛穴中大者一枚長數尺形如琵琶金色焚而殺之築塞其處其害乃絕

出錄異記

十二時蟲

酉陽雜俎南中有蟲名避役其蟲狀如蛇醫脚長色青亦肉鬣暑月時見於籬壁間俗云見者多稱意事其色倏更變為十二辰狀搜荒雜錄南海有毒蟲若大蜥蜴土人呼為十二時蟲一日一夜隨十二時變其色乍黃乍赤亦呼為籬頭蟲傷人立死北戶錄十二時蟲大者一尺尾長于身傳云自旦至暮變十二般色愚獲一枚閉于籠中止見變黃褐赤黑四色

桂蠹

陸龜蒙中酒賦歐川桂蠹。穎谷榆人。宋景文詩。幾枝北道梅。傳信一器。南方桂。補蠹。按漢書南粵傳。粵王貢桂蠹一器。應劭曰。桂樹中蠹蟲也。師古曰。此蟲食桂。故味辛。漬以蜜食之。漢舊儀。常以獻陵廟。載以赤轂小車。

守宮

詩話。守宮。蜥蜴二物。蜥蜴尾通于身。如蛇而加足。有黑色者。有青綠色者。常居草間。守宮。褐色。四足。有尾。偃伏壁間。故名。蠃。亦謂守宮。常在屋下也。按爾雅。蠃。蜥蜴。蜥蜴。蠃。在壁。曰蠃。蜥。方言曰。秦晉西夏。謂之守宮。或謂之蠃。蠃。東方朔云。非守宮。即蜥蜴。繇。諸文詳之。在草澤。名蠃。蠃。蜥蜴。在壁。名蠃。蠃。守宮也。陸機疏。青綠色。大如指。

金翠蛇

北戶錄。公路至雷州。對岫倚船。候風勢。見羣小兒。簇二巨蛇。各丈餘。一如孔雀毛。金翠奪目。一真紅色。鮮明若血。又有十餘白蛇。前後相隨。若導從。俱入一榕藤岩內。搜